

KOSOVO LAW INSTITUTE
INSTITUTI I KOSOVES PER DREJTESI
KOSOVSKI INSTITUT PRAVDE

INSTITUTI I KOSOVËS PËR DREJTËSI - IKD

Raporti i auditorit të pavarur dhe pasqyrat financiare

Për fundin e vitit më 31 Dhjetor 2022

INSTITUTI I KOSOVËS PËR DREJTËSI - IKD

PËRMBAJTJA	FAQE
RAPORTI I AUDITORIT	
BILANCI I GJENDJES	1
PASQYRA E TË ARDHURAVE	2
PASQYRA E NDRYSHIMEVE NË EKUITET	3
PASQYRA E RRJEDHJES SË PARASË	4
SHËNIMET E PASQYRAVE FINANCIARE	5 - 16

RAPORTI I AUDITORIT TË PAVARUR

Menaxhmentit të Institutit të Kosovës për Drejtësi - IKD

Opinionit

Ne kemi audituar pasqyrat financiare shoqëruese të Institutit të Kosovës për Drejtësi - IKD, që përfshinë Pasqyrën e pozicionit financiar më 31 Dhjetor 2022, Pasqyrën e të ardhurave gjithëpërfshirëse, Pasqyrën e ndryshimeve në ekuitet dhe Pasqyrën e rrjedhës së parasë për vitin që ka përfunduar, si dhe një përmbledhje të politikave të kontabilitetit dhe shënimeve tjera shpjeguese.

Sipas mendimit tonë pasqyrat financiare të Institutit të Kosovës për Drejtësi - IKD paraqesin drejtë, në të gjitha çështjet materiale pozicionin financiar të fondacionit më 31 Dhjetor 2022, dhe performancën e saj financiare dhe rrjedhën e parasë për vitin që ka përfunduar në përputhshmëri me Standardet Ndërkombëtare të Raportimit Financiar.

Baza për Opinion

Ne kemi kryer auditimin në përputhje me Standardet Ndërkombëtare të Auditimit (SNA). Përgjegjësitë tona sipas këtyre standardeve janë përshkruar më tej në seksionin e raportit Përgjegjësitë e Auditorit për Auditimin e Pasqyrave Financiare. Ne jemi të pavarur nga Kompania në përputhje me Kodin e Etikës për Kontabilistët Profesionistë (Kodit IESBA), dhe kemi përmbushur përgjegjësitë tjera etike në përputhje me Kodin IESBA. Ne besojmë se evidenca e auditimit që kemi siguruar është e mjaftueshme dhe e përshtatshme për të ofruar bazat për opinionin tonë.

Përgjegjësitë e Menaxhmentit dhe atyre të ngarkuar me Qeverisjen e Pasqyrave Financiare

Menaxhmenti është përgjegjës për përgatitjen dhe prezantimin e drejtë të këtyre pasqyrave financiare në pajtueshmëri me Standardin Ndërkombëtar të Raportimit Financiar dhe për kontrollin e brendshëm të cilat menaxhmenti i vlerëson të nevojshme për të mundësuar përgatitjen e pasqyrave financiare pa gabime materiale, për shkak të mashtrimit apo gabimit. Në përgatitjen e pasqyrave financiare, menaxhmenti është përgjegjës për vlerësimin e aftësinë së organizatës për vazhdueshmërinë në të ardhmen, duke shpalosur, sipas nevojës, çështjet lidhur me vazhdueshmërinë në të ardhmen dhe përdorimit të parimit të vazhdueshmërisë së kontabilitetit përveç nëse menaxhmenti synon të likujdojë organizatën apo të ndërpres operimin, apo nuk ka ndonjë alternativ tjetër të mundshme përveç se të bëjë atë. Ata të cilët janë ngarkuar me qeverisje janë përgjegjës për mbikëqyrjen e procesit të raportimit financiar të organizaës.

Përgjegjësitë e Auditorit për Auditimin e Pasqyrave Financiare

Objektivat tona janë për të marrë siguri të arsyeshme nëse pasqyrat financiare si tërësi janë të lira nga gabimet materiale, për shkak të mashtrimit apo gabimit, dhe të nxjerrë një raport të auditorit që përfshin opinionin tonë. Siguria e arsyeshme është nivel i lartë i sigurisë, por nuk ka garanci që një auditim i kryer në përputhje me SNA-të gjithmonë do të zbulojë gabime materiale kur ato ekzistojnë. Gabimet mund të rrjedhin nga mashtrimet apo gabimet dhe konsiderohen materiale nëse, individualisht ose në total, ato në mënyrë të arsyeshme mund të pritet të ndikojnë në vendimet ekonomike të përdoruesve të marra mbi bazën e këtyre pasqyrave financiare.

Si pjesë e një auditimi në përputhje me SNA, ne ushtrojmë gjykimin profesional dhe mbajmë skepticizmin profesional gjatë auditimit. Ne gjithashtu:

Identifikojmë dhe vlerësojmë rrezikun e gabimeve materiale në pasqyrat financiare, për shkak të mashtrimit apo gabimit, dizajnojmë dhe kryejmë procedurat e auditimit të përshtatshme për këto rreziqe, dhe marrim dëshmi të auditimit të mjaftueshme dhe e përshtatshme për të ofruar bazat për opinionin tonë. Rreziku i mos zbulimit të gabimeve materiale që rezulton nga mashtrimi është më i

lartë se atij që rrjedh nga gabimi, pasi mashtrimi mund të përfshijë marrëveshje të fshehta, falsifikim, lëshime të qëllimshme, keqinterpretime, apo shkelje të kontrolleve të brendshme.

I kuptojmë kontrollet e brendshme relevante për auditimin me qëllim të hartimit të procedurave të auditimit që janë të përshtatshme në rrethanat, por jo për qëllim të shprehjes së një opinionimi mbi efektivitetin e kontrolleve të brendshëm të Kompanisë.

I vlerësojmë përshtatshmërinë e politikave kontabël të përdorura dhe arsyeshmërinë e vlerësimeve kontabël dhe shpalosjet relevante të bëra nga menaxhmenti.

Konkludojmë mbi përshtatshmërinë e përdorimit të parimit të vazhdueshmërisë së kontabilitetit nga menaxhmentit, duke u bazuar në dëshmitë e siguruar të auditimit, nëse një pasiguri materiale ekziston në lidhje me ngjarjet apo kushteve që mund të hedhë dyshime të konsiderueshme mbi aftësinë e organizatës për të vazhduar në vijimësi. Nëse arrijmë në përfundimin se një pasiguri material ekziston, ne jemi të detyruar të tërheqim vëmendjen në raportin tonë të auditimit për shpalosjet relevante në pasqyrat financiare apo, nëse shpalosjet e tilla janë të papërshtatshme, të modifikojmë opinionin tonë. Konkluzionet tona bazohen në evidencat e auditimit të marra deri në datën e raportit të auditimit. Megjithatë, ngjarjet ose kushtet në të ardhmen mund të shkaktojë që kompania të pushojë së vazhduari në vijimësi.

Ne komunikojmë me ata të ngarkuar me qeverisje lidhur me, në mesin e çështjeve tjera, qasjen e planifikuar dhe kohën e auditimit dhe gjetjet e rëndësishme të auditimit, përfshirë çdo mangësi të rëndësishme në kontrollet e brendshme që kemi identifikuar gjatë auditimit.






“Quatra Audit” INT LLC
Fahri Breznica
Prishtinë, Kosovë
17 Mars 2023

INSTITUTI I KOSOVËS PËR DREJTËSI - IKD**Bilanci i gjendjes**

Për fundin e vitit më 31 dhjetor 2022

	Shënimi	Më 31 Dhjetor 2022 (në EUR)	Më 31 Dhjetor 2021 (në EUR)
ASETET			
Asetet qarkulluese			
Paraja dhe ekuivalentet e parasë	3	109,583	73,095
Llogaritë e arkëtueshme	4	5,744	61,815
Totali i aseteve qarkulluese		115,327	134,910
Asetet jo-qarkulluese			
Prona, impiantet dhe paisjet		-	-
Totali i aseteve jo-qarkulluese		-	-
TOTALI I ASETEVE		115,327	134,910
DETYRIMET DHE EKUITETI			
Detyrimet rrjedhëse			
Obligimet ndaj donatorit		-	6,157
Llogaritë e pagueshme	5	2,369	922
Të hyrat e shtyera	6	112,957	127,831
Totali i detyrimeve rrjedhëse		115,327	134,909
Ekuiteti			
Fitimi i mbajtur		-	-
Profit/Humbja neto e vitit		-	-
Totali i ekutetit		-	-
TOTALI I DETYRIMEVE DHE EKUITETIT		115,327	134,909

Pasqyrat financiare janë nënshkruar më 17 Mars 2023 nga:


Ehat Miftaraj
Drejtore Ekzekutiv
Xheladin Bytyqi
Zyrtari për financa

Shënimet e bashkangjitura nga 1 deri në 13 janë pjesë përbërëse e pasqyrave financiare


INSTITUTI I KOSOVËS PËR DREJTËSI - IKD
Pasqyra e të ardhurave
Për fundin e vitit më 31 dhjetor 2022

	Shënimi	Fundi i vitit 31 Dhjetor 2022 (në EUR)	Fundi i vitit 31 Dhjetor 2021 (në EUR)
Të hyrat			
Të hyrat nga grantet	7	763,681	605,203
Kthimi i fondeve		-	(26,752)
Totali i të hyrave		763,681	578,451
Shpenzimet			
Pagat - Menaxhmenti dhe Administrata	8	94,948	49,975
Pagat - Staf i për Aktivitetet Programore	8	410,363	342,170
Shpenzimet e produksionit	9	117,136	57,654
Shpenzimet tjera operative	10	141,234	128,653
Totali i shpenzimeve		763,681	578,451
Teprica e të hyrave ndaj shpenzimeve		-	-

Pasqyrat financiare janë nënshkruar më 17 mars 2023 nga:



Ehat Miftaraj
Drejtor Ekzekutiv



Xheladin Bytyqi
Zyrtari për financa

Shënimet e bashkangjitura nga 1 deri në 13 janë pjesë përbërëse e pasqyrave financiare

INSTITUTI I KOSOVËS PËR DREJTËSI - IKD
Pasqyra e ndryshimeve në ekuitet
Për fundin e vitit më 31 dhjetor 2022

	Mbetja (në EUR)	Totali i mbetjes (në EUR)
Gjendja më 31 Dhjetor 2019	<u>-</u>	<u>-</u>
Mbetja e fundit të vitit më 31 Dhjetor 2020	-	-
Gjendja më 31 Dhjetor 2020	<u>-</u>	<u>-</u>
Mbetja e fundit të vitit më 31 Dhjetor 2021	-	-
Gjendja më 31 Dhjetor 2021	<u>-</u>	<u>-</u>
Mbetja e fundit të vitit më 31 Dhjetor 2022	-	-
Gjendja më 31 Dhjetor 2022	<u>-</u>	<u>-</u>

Shënimet e bashkangjitura nga 1 deri në 13 janë pjesë përbërëse e pasqyrave financiare

INSTITUTI I KOSOVËS PËR DREJTËSI - IKD
Pasqyra e rrjedhës së parasë
Për fundin e vitit më 31 dhjetor 2022

	Fundi i vitit 31 Dhjetor 2022 (në EUR)	Fundi i vitit 31 Dhjetor 2021 (në EUR)
Rrjedha e parasë nga aktivitetet operuese		
(Deficiti)/surplusi gjatë periudhës	-	-
Rregulluar për:		
Zhvlersimin	-	-
Obligimet ndaj donatorit	(6,157)	6,157
Ndryshimet në të arkëtueshme	56,071	(52,535)
Ndryshimet në të pagueshme	1,447	486
Ndryshimet në detyrime tjera	(14,873)	53,643
Paratë e gjeneruara nga operimet	36,488	7,751
Rrjedha e parasë nga aktivitetet investuese		
Blerja e pronës dhe e paisjeve	-	-
Paraja neto e përdorur në investime	-	-
Ndryshimet neto në para dhe ekuivalent	36,488	7,751
Paraja dhe ekuivalentet e parasë më 1 Janar	73,095	65,344
Paraja dhe ekuivalentet më 31 Dhjetor	109,583	73,095

Shënimet e bashkangjitura nga 1 deri në 13 janë pjesë përbërëse e pasqyrave financiare

INSTITUTI I KOSOVËS PËR DREJTËSI - IKD

Shënimet e pasqyrave financiare

Për fundin e vitit më 31 dhjetor 2022

1. HYRJE

Instituti i Kosovës për Drejtësi (IKD) është organizatë e pavarur joqeveritare dhe jofitimprurëse, fabrikë e mendimeve e specializuar në fushën e drejtësisë, që merret me avancimin e së drejtës. I themeluar më 4 shkurt të vitit 2009, instituti funksionon si shoqatë profesionale, e regjistruar në Ministrinë e Administratës Publike me numër 5112193-7 në krye të së cilës qëndron Kuvendi i Anëtarëve. Veprimtaria e IKD-së udhëhiqet nga Drejtori Ekzekutiv, i cili këshillohet nga Bordi Këshillëdhënës i organizatës.

Misioni i IKD-së është forcimi i sundimit të ligjit dhe përmirësimi i qasjes në drejtësi për qytetarët.

Vizioni i IKD-së është konsolidimi i shoqërisë me vlera demokratike, e cila respekton dhe promovon parimet e sundimit të ligjit dhe qeverisjes së mirë.

Qëllimi i IKD-së është avancimi i vazhdueshëm i së drejtës në Kosovë. Këtë qëllim synojmëta arrijmë përmes veprimtarisë sonë hulumtuese, publikuese e avokuese, të cilën e organizojmë në shtatë programe që na mundësojnë një qasje gjithëpërfshirëse të intervenimit, prej bërjes së ligjeve e deri te zbatimi i tyre nga institucionet përgjegjëse.

Veprimtarinë e vet, instituti e zhvillon përmes strukturës programatike. 1) Bërja e ligjit; 2) Sundimi i Ligjit; 3) Antikorruptioni; 4) Drejtësia në zgjedhje; 5) Edukimi; 6) Media 7) Qasja në drejtësi dhe 8) Qeverisja e mirë.

Qasja dhe parimet

Duke u siguruar se ligji i vendit bëhet përmes një procesi transparent e gjithëpërfshirës dhe zbatohet përmes një sistemi efikas të përgjegjësisë dhe llogaridhënies të institucioneve të drejtësisë, IKD ndërton bazën e veprimeve të saj drejt qëllimit institucional. Përmes programeve specifike për drejtësi në zgjedhje dhe kundër korrupsionit, këto veprimtari sintetizohen në një qasje gjithëpërfshirëse drejt avancimit të drejtësisë në Kosovë, qasje të cilën e kompletojmë përmes aktiviteteve tona edukative e vetëdijësuese.

IKD vazhdimisht boton raporte që dalin nga puna jonë hulumtuese e monitoruese, natyra e të cilave shtrihet përgjatë gjithë spektrit të së drejtës, prej emërimit dhe riemërimit të gjyqtarëve dhe prokurorëve, te reformat e sistemit të drejtësisë, e deri te llogaridhënia brenda këtij sistemi.

Parimet që e udhëheqin veprimtarinë tonë janë **saktësia, transparenca dhe llogaridhënia.**

Aktivitetet e IKD-së

Instituti i Kosovës për Drejtësi, në veprimtarinë e tij, ndërmerr këto aktivitete:

Hulumtim ligjor, ku përfshihet, mes tjerash, hulumtimi i politikave publike që kanë të bëjnë me sundimin e ligjit, analiza cilësore dhe krahasuese të ligjeve dhe politikave publike, analiza krahasuese mes Kosovës, Rajonit dhe Evropës.

Hulumtim gazetaresk, ku përfshihet identifikimi i çalimeve, praktikave të këqija, mosrespektimit të rregullave dhe procedurave si dhe hulumtime tjera të rasteve të veçanta, që janë me interes për publikun.

Analizë dhe ekspertizë ligjore, përfshirë përkrahjen ligjore dhe teknike për institucionet e sundimit të ligjit.

Avokim, përfshirë avokimin e drejtpërdrejt tek institucionet, avokimin përmes medias, mobilizimin e sektorit të juristëve dhe të shoqërisë civile për çështje të interesit të veçantë.

INSTITUTI I KOSOVËS PËR DREJTËSI - IKD
Shënimet e pasqyrave financiare (vazhdim)
Për fundin e vitit më 31 dhjetor 2022

Raportimin, përfshirë raportimin televiziv dhe atë të shkruar online, për mbarëvajtjen dhe funksionimin e sistemit të sundimit të ligjit, informimin e qytetarëve për këtë sistem, funksionimin dhe reformimin e tij, me fokus të veçantë përmirësimin e qasjes në drejtësi.

Monitorimin sistematik të punës së institucioneve të sundimit të ligjit, përfshirë policinë, prokurorinë, gjykatat si dhe Odën e Avokatëve, si dhe nxjerrjen e raporteve periodike dhe atyre të veçanta që dalin nga procesi i monitorimit.

Përkrahja e vazhdueshme teknike dhe substanciale e institucioneve të Republikës, përmes pjesëmarrjes aktive në grupet punuese për nisjen dhe amendamentimin e legjislacionit, si dhe grupeve tjera profesionale, duke u nisur nga faza e koncept dokumenteve e deri te revidimet e ligjeve në Kuvend.

Përfaqësimin e komunitetit të juristëve dhe të shoqërisë civile, në proceset legjislative dhe luajtjen e rolit të urës ndërlidhëse mes sistemit të sundimit të ligjit dhe shoqërisë.

Promovimi i vazhdueshëm i parimeve të ndarjes së pushteteve, promovimi i të drejtave dhe lirive të njeriut me fokus të veçantë në të drejtat përgjatë procedimeve në sistemin e drejtësisë.

Promovimi i rolit të pushtetit gjyqësor me fokus të veçantë në informimin për rolin e prokurorëve dhe gjyqtarëve si dhe institucioneve të pushtetit gjyqësor si KGJK dhe KPK.

Nxitjen e funksionimit të institucioneve të sundimit të ligjit, përfshirë këtu nxitjen për transparencë, sistem funksional të llogaridhënies dhe mbajtjes në përgjegjësi, si dhe bashkëpunimin mes institucioneve të sundimit të ligjit.

Vlerësimin e zbatimit të politikave dhe ligjeve, përfshirë ligjet, strategjitë, planet e veprimit dhe dokumenteve tjera politike sa i përket sundimit të ligjit.

Organizimi i debateve, qoftë debateve të brendshme mes institucioneve dhe akterëve, qoftë tryezave publike apo debateve televizive, për çështjet të rëndësishme në fushën e sundimit të ligjit, luftës kundër korrupsionit dhe funksionimit të pushtetit gjyqësor.

Produktet e IKD-së

Instituti i Kosovës për Drejtësi, pos produkteve ad-hoc dhe të rastit, prodhon këto produkte të vazhdueshme:

- Raportet periodike të monitorimit të gjykatave
- Raportet periodike të monitorimit të prokurorive
- Raportet periodike të monitorimit të policisë
- Raportet e detajuara të procedimit të rasteve të korrupsionit
- Raportet e detajuara të procedimit të rasteve të veprave penale karakteristike
- Raportet e detajuara të procedimit të rasteve civile
- Raportet e detajuara të procedimit të rasteve administrative
- Hulumente dhe analiza të politikave publike sa i përket sundimit të ligjit, specifikuat sistemit të drejtësisë dhe luftës kundër korrupsionit
- Reagime të shpejta publike për çështje të caktuara

INSTITUTI I KOSOVËS PËR DREJTËSI - IKD
Shënimet e pasqyrave financiare (vazhdim)
Për fundin e vitit më 31 dhjetor 2022

- Analiza të ligjeve dhe pajtueshmërisë së tyre me standardet e BE-së dhe OKB-së
- Konstruktimi i platformës së burimeve të informacionit, statistikave dhe të dhënave tjera, që dalin si rrjedhojë e punës së IKD-së (dhe jo vetëm) të cilat botohen në një faqe të veçantë interneti dhe shërben si burim primar për hulumtues dhe gazetarë.
- Raporte gazetareske ditore për seancat gjyqësore
- Lajme të përditshme për sistemin e sundimit të ligjit
- Analiza të lajmeve në baza të përjavshme
- Raporte hulumtuese, gazetareske, sa i përket sundimit të ligjit
- Emisione televizive të specializuara për fushën e sundimit të ligjit.

Ekipi i IKD-së

Personeli i IKD-së ka përvojë të madhe në kapacitete të ndryshme në sektorin e drejtësisë në Kosovë, duke përfshirë zhvillimin e hulumtimeve dhe analizave ligjore, raportimet dhe hulumtimet gazetareske, ngritjen e vetëdijes, dhe përfshirjen në aktivitete të avokimit. Këtu përfshihet puna e ngushtë me autoritetet vendore dhe ndërkombëtare në Kosovë për të siguruar pavarësi, paanshmëri dhe ngritje të besimit të publikut në sistemin e drejtësisë.

2. BAZA E PËRGATITJES DHE POLITIKAT E RËNDËSISHME KONTABËL

2.1 Baza e përgatitjes

Pasqyrat financiare të bashkangjitura janë përgatitur për qëllime të raportimit në përputhje me ligjet e aplikueshme në Kosovë, dhe paraqesin një pasqyrë të plotë të ngjarjeve ekonomike që kanë ndodhur në Institutin e Kosovës për Drejtësi – IKD më 2022.

Pasqyrat financiare janë përgatitur mbi bazën e parave të gatshme, në bazë të cilës të ardhurat dhe shpenzimet njihen në momentin kur janë pranuar apo paguar. Organizata përdor programin e financave QuickBooks dhe fajlla të Excell-it për regjistrimet financiare dhe për përgatitjen e pasqyrave financiare.

2.2 Valuta e përdorur

Valuta e përdorur për raportim nga ana e Institutit të Kosovës për Drejtësi – IKD është valuta e bashkësisë evropiane Euro (“EUR”).

2.3 Politikat e rëndësishme të kontabilitetit

Një përmbledhje e politikave më të rëndësishme të kontabilitetit të përvetsuara për pregaditjen e pasqyrave financiare janë prezentuar më posht:

2.3.1 Paraja dhe ekuivalentet e parasë

Për qëllime të pasqyrës së rrjedhës së parasë, parja dhe ekuivalentet e parase janë konsideruar të jenë paraja e gatshme si dhe ajo në llogari rrjedhëse, si dhe paraja me maturitet jo më shumë se tre muaj.

2.3.2 Njohja e të hyrave

Të hyrat nga grantet janë njohur si të hyra për periudhën të cilës i takojnë. Në fund të vitit mbetja e të ardhurave mbi shpenzimet trajtohet si suficit.

2.3.3 Njohja e shpenzimeve

Shpenzimet e ndodhura për gjenerimin e të hyrave janë njohur në periudhën përkatëse në bazë të kostos historike.

2.3.4 Tatimet

Instituti i Kosovës për Drejtësi – IKD është e regjistruar si organizatë jo-profitabile nën rregulloret e Kosovës, dhe e posedon statusin e beneficuar si OJQ, prandaj është e përjashtuar nga tatimi mbi korporata mbi të tepicën e të hyrave ndaj shpenzimeve.

INSTITUTI I KOSOVËS PËR DREJTËSI - IKD
Shënimet e pasqyrave financiare (vazhdim)
Për fundin e vitit më 31 dhjetor 2022

3. PARAJA DHE GJENDJA NË BANKA

Instituti i Kosovës për Drejtësi – IKD ka nëntë (9) llogari bankare në EUR të hapura në Bankën për Biznes – BpB dhe një (1) llogari që operon në USD që shërben vetëm për pranimin e donacioneve në USD.

	31 Dhjetor 2022 (në EUR)	31 Dhjetor 2021 (në EUR)
Paraja në bankë	109,583	73,095
Totali parasë dhe gjendjes në bankë	109,583	73,095

4. LLOGARITË E ARKËTUESHME

	31 Dhjetor 2022 (në EUR)	31 Dhjetor 2021 (në EUR)
UNMIK	-	52,358
INL II - " CLARD"	-	2,838
DRC	5,744	-
Council of Europe	-	6,620
Totali i Llogarive të Arkëtueshme	5,744	61,815

5. LLOGARITË E PAGUESHME

	31 Dhjetor 2022 (në EUR)	31 Dhjetor 2021 (në EUR)
Pagat	-	922
Sherbimet tjera	59	-
Elektrometali	225	-
BPB	16	-
Aztech	159	-
KESCO	175	-
HIB Petrol	155	-
Golden Taxi	1,505	-
IPKO - Interneti	76	-
Totali i Llogarive të Pagueshme	2,369	922

INSTITUTI I KOSOVËS PËR DREJTËSI - IKD
Shënimet e pasqyrave financiare (vazhdim)
Për fundin e vitit më 31 dhjetor 2022

6. TË HYRAT E SHTYERA

	31 Dhjetor, 2022 (në EUR)	31 Dhjetor, 2021 (në EUR)
Radio Televizioni i Kosoves - RTK	22,851	23,206
NED	1,036	3,169
EULEX	-	5,595
Rrjeti i Grave	1,882	1,882
INL CLARD	1,032	-
KCSF	2,715	-
UNMIK	13,556	42,431
UN Women	2,062	9,750
RBF	26,717	34,129
INL USA	16,372	5,669
Youth Initiative	1,329	-
Këshilli i Europës	23,405	-
Qendra Kosovare për Studime Gjinore	-	2,000
Totali i të hyrave të shtyera	112,957	127,831

7. TË HYRAT

	31 Dhjetor 2022 (në EUR)	31 Dhjetor 2021 (në EUR)
Radio Televizioni i Kosovës - RTK	30,550	27,550
NED	34,055	27,354
INL - CLARD	27,408	27,072
Council of Europe	49,000	10,620
UNMIK	112,065	52,358
United Nations 1	-	28,882
United Nations 2	-	20,249
EULEX	10,200	6,800
Rrjeti i Grave	-	5,952
USAID - Empower	-	29,650
INL Ambasada e SHBA-s	360,716	290,420
QSDQ	868	-
Youth Initiative	1,329	-
OSCE	4,800	-
KCSF	2,715	-
MATRA	-	7,196
RBF	43,333	42,401
DRC	39,569	41,658
UN Women	28,200	31,200
Instituti i Çështjeve Ndërkombëtare	-	7,485
Qendra Kosovare për Studime Gjinore	4,000	2,000
Të hyrat e shtyera nga viti i kaluar	127,831	74,188
Të hyrat e shtyera	(112,957)	(127,831)
Totali i të hyrave nga grantet	763,681	605,202

INSTITUTI I KOSOVËS PËR DREJTËSI - IKD
Shënimet e pasqyrave financiare (vazhdim)
Për fundin e vitit më 31 dhjetor 2022

8. PAGAT DHE BENEFITET

Pagat për Menaxhmentin dhe Administratën e organizatës gjatë vitit 2022 janë realizuar si më poshtë:

	31 Dhjetor 2022 (në EUR)	31 Dhjetor 2021 (në EUR)
Pagat bruto	90,427	47,595
Kontributet Pensionale	4,521	2,380
Totali i pagave - Menaxhmenti dhe Administrata	94,948	49,975

Ndërsa pagat për stafin e angazhuar në aktivitetet e ndryshme programore gjatë vitit 2022 janë realizuar si më poshtë:

	31 Dhjetor 2022 (në EUR)	31 Dhjetor 2021 (në EUR)
Pagat bruto	390,822	325,876
Kontributet Pensionale	19,541	16,294
Totali i pagave - Stafi per Aktivitetet Programore	410,363	342,170

9. SHPENZIMET E PRODUKSIONIT

OJQ Institutiti i Kosovës për Drejtësi – IKD përgatitë produkte televizive, përkatësisht emisione televizive javore, të cilat transmetohen në televizione. Për këtë shkak organizata ka kontraktuar kompaninë e jashtme të produksionit "Era Communciations", e cila kryen të gjitha shërbimet e produksionit për nevojat e organizatës, ku përfshihen edhe shërbimet e produkteve tjera vizuale si promo, dokumentar, dizajn, etj.

	31 Dhjetor 2022 (në EUR)	31 Dhjetor 2021 (në EUR)
Shpenzimet e produksionit	117,136	57,654
Totali I shpenzimeve te produksionit	117,136	57,654

INSTITUTI I KOSOVËS PËR DREJTËSI - IKD
Shënime e pasqyrave financiare (vazhdim)
Për fundin e vitit më 31 dhjetor 2022

10. SHPENZIMET TJERA OPERATIVE

	31 Dhjetor 2022 (në EUR)	31 Dhjetor 2021 (në EUR)
Shpenzimet per Ueb	3,222	9,229
Tryeza dhe konferenca	8,397	-
Qeraja	14,851	16,435
Auditimi	2,130	1,230
Transporti	20,457	15,573
Shpenzimet e komunikimit	4,105	3,389
Shpenzimet komunali	3,103	3,040
Paisje për zyre	5,601	5,051
OJQ	68,082	61,746
Shpenzimet e zyres dhe tjera	9,599	8,313
Shpenzime bankare	1,687	1,386
Totali I shpenzimeve tjera operative	141,234	128,653

Shënime shpjeguese për të hyrat nga RTK–ja, për projektin “Betimi për Drejtësi”.

Përshkrimi	Vlera në EUR
Totali i obligimit të RTK - së deri me 01.01.2022	62,700.00
Të faturuara gjatë 2022	550.00
Të paguara gjatë 2022	30,550.00
Teprica	30,000.00
Totali i obligimit të RTK - së deri me 31.12.2022	32,700.00
Të paguara gjatë 2022	30,550.00
Të pa shpenzuara deri me 31.12.2021	23,206.33
Total mjete nga pagesat e RTK - së	53,756.33
Shpenzimet gjatë vitit 2022	30,904.95
Të pa shpenzuara deri me 31.12.2022	22,851.38

Në bazë të tabelës së mësipërme, rezulton se IKD ka faturuar RTK-në për 550.00 EUR, ndërkaq RTK ka paguar 30,550.00 EUR.

IKD këtë borxh nuk e njeh si të hyrë, por vetëm e evidenton si faturim, ndërsa në momentin që kryhen pagesat nga RTK, atëherë njihen si të hyra.

INSTITUTI I KOSOVËS PËR DREJTËSI - IKD
Shënimet e pasqyrave financiare
Për fundin e vitit më 31 dhjetor 2022

11. PASQYRA E TË ARDHURAVE SIPAS DONATORËVE

	UN Women	Qendra Kosovare per Studime Gjinore	UNMIK	OSDQ	DRC	Rijeti i Grave	NED1	NED2	OSCE	RTK	INCL CLARD	KCSF	EULEX	Këshilli European	RBF	YOUTH INITIATIVE	INL	Total
Të hyrat	28,200	4,000	112,065	868	39,569	-	15,119	18,936	4,800	30,550	27,408	2,715	10,200	49,000	43,333	1,329	360,716	748,807
Të hyrat e shtyera nga viti i kaluar	9,750	2,000	42,431	-	-	1,882	3,169	-	-	23,206	-	-	5,595	-	34,129	-	5,669	127,832
Kthimi i të hyrave	-	-	-	-	-	-	-	-	-	-	-	-	-	-	-	-	-	-
Të hyrat e shtyera	(2,062)	-	(13,556)	-	-	(1,882)	-	(1,036)	-	(22,851)	(1,032)	(2,715)	-	(23,405)	(26,717)	(1,329)	(16,372)	(112,957)
Totali të hyrave	35,888	6,000	140,940	868	39,569	-	18,288	17,900	4,800	30,905	26,376	-	15,795	25,596	50,745	-	350,012	763,662
Shpenzimet																		
Pagat dhe benefitet	24,400	6,000	88,845	868	27,723	-	15,086	17,609	4,800	4,738	25,577	-	15,719	24,300	37,553	-	212,084	505,312
Shpenzimet e produktivit	7,500	-	41,823	-	5,300	-	-	-	-	13,400	-	-	-	-	9,000	-	40,113	117,136
Shpenzimet per Ueb	100	-	2,146	-	-	-	-	-	-	100	-	-	-	-	-	-	877	3,222
Tryeza dhe konferenca	-	-	610	-	3,453	-	633	103	-	1,238	-	-	-	-	540	-	1,820	8,397
Konsulenc	-	-	-	-	-	-	-	-	-	-	-	-	-	-	-	-	-	-
Qeraja	-	-	4,406	-	-	-	-	-	-	802	-	-	-	-	2,835	-	6,808	14,851
Auditimi	-	-	-	-	900	-	-	-	-	-	-	-	-	-	-	-	1,230	2,130
Transporti	-	-	-	-	30	-	-	-	-	4,532	-	-	-	1,296	337	-	14,262	20,457
Shpenzimet e komunikimit (telefon, internet, Shpenzimet komunal (rryma, uji, bërlloku)	-	-	-	-	-	-	350	140	-	90	742	-	-	-	-	-	2,782	4,105
Pajisje për zyre (lloq top, rafta, tavolina)	-	-	-	-	2,012	-	20	-	-	-	-	-	-	-	-	-	3,083	3,103
Pajisje për zyre (lloq top, rafta, tavolina)	3,338	-	1,660	-	-	-	-	-	-	1,929	-	-	-	-	-	-	-	5,601
Pagesat për OIQ partnere	550	-	840	-	71	-	1,891	-	-	3,919	-	-	-	-	237	-	64,744	68,082
Shpenzime për zyre dhe tjera	-	-	-	-	-	-	-	-	-	-	-	-	-	-	-	-	2,091	9,599
Shërbime dizajnimi	-	-	611	-	80	-	298	47	-	157	57	-	76	-	243	-	118	1,687
Shpenzime bankare	-	-	-	-	-	-	-	-	-	-	-	-	-	-	-	-	-	-
Total i shpenzimeve	35,888	6,000	140,940	868	39,569	-	18,288	17,900	4,800	30,905	26,376	-	15,795	25,596	50,745	-	350,012	763,662
Tëprica e të hyrave ndaj shpenzimeve	-	-	-	-	-	-	-	-	-	-	-	-	-	-	-	-	-	-

12. PALËT E NDËRLIDHURA

Për qëllime të këtyre pasqyrave financiare, palët konsiderohen të ndërlidhura nëse njëra prej tyre ka mundësinë të kontrolloj palën tjetër, apo nëse njëra prej tyre ka ndikim në palën tjetër gjatë marrjes së vendimeve financiare apo operuese sic është cekur në SNK 24 "Shpalosja e palëve të ndërlidhura". Në vështrimin e mundësinë e ekzistimit të palëve të ndërlidhura, vëmendja është përqëndruar në aspektin e marrëdhënies e jo në aspektin legal.

13. MENAXHIMI I RISKUT

Kredit risku

Kredit Risku është risku që njëra palë me dështimin në përmbushjen e obligimeve financiare do ndikojë në palën tjetër të ketë humbje financiare. Instituti i Kosovës për Drejtësi – IKD nuk i është ekspozuar kredit riskut në aspektin e granteve që i ipen organizatave me të cilat bashkëpunon.

Risku nga kamatat

Instituti i Kosovës për Drejtësi – IKD momentalisht nuk i është ekspozuar riskut nga kamatat bankare.

Risku nga këmbimet ndërkombëtare

Instituti i Kosovës për Drejtësi – IKD i është ekspozuar nga këmbimet ndërkombëtare pasi që transaksionet ndodhin në valutë vendore dhe të huaj.

Risku i likuiditetit

Risku i likuiditetit paraqet riskun kur pjekuria e pasurisë dhe e detyrimeve nuk përputhen. Instituti i Kosovës për Drejtësi – IKD monitoron likuiditetin e sajë në baza periodike, në mënyrë që të menaxhoj obligimet e sajë në momentin kur duhet të paguhet.